



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

CCXXXIII. Markgraf Johann verleiht dem Alexius Rakow, Bürger zu
Frankfurt, das halbe Dorf Vrat, am 28. Januar 1428.

Nutzungsbedingungen

[urn:nbn:de:hbz:466:1-55756](https://nbn-resolving.org/urn:nbn:de:hbz:466:1-55756)

vnd für lenwar des obgnanten dorffs wulkow hat vns der obgnante hanns Rakow VI schokk bemischer großchen wol czu dancke aufzricht vnd bezalt, vnd sagen In der qwydt, ledig vnd loß in crafft diecz briefs vnd geben Im des czu einem Inweizer vnsern lieben getrewen Czabel bergstorff. Czu vrkunde geben wir Im diesen brieff mit vnser anhangenden Insigel uertigelt, der geben ist czu Trebin, am freitag Misericordia domini, Anno domini millesimo quadringentesimo vicefimo septimo.

R. Pawl murring et examinavit.

Nach dem Churm. Lehnscopialbuche XVI, 5.

CCXXXIII. Markgraf Johann verleiht dem Alexius Rakow, Bürger zu Frankfurt, das halbe Dorf Brat, am 28. Januar 1428.

Wir Johans, von gots gnaden marggraue etc., Bekennen — das wir vnsern lieben getrewen Alexio Rakowen, Burger czu franckfurt, czu rechtem manlehen recht vnd redlichen verlihen haben das halbe dorff gnant vratt mit allen vnd iglichen seinen gerechtigkeiten vnd nuzzen, mit obristen vnd nydersten gerichte, mit der oder vnd mit dem See, der in die Oder fleußt, mit wesen, bruchern, holzen, wassern, steend vnd fließende, mit Acker, getrieben vnd vngetrieben, mit lehnbeten vnd auch mit dem vlyß, der da fleußt bynnen der Grenitze vratt, mit lachffengen, vischerien, mit czuflößen auff vnd nyder bis in dy odir, mit czeydelweyden, heyden vnd sunst allen czugehorungen, wie die namen haben oder gehaben mugen, gar nichts außgenommen, das er vmb vnsern lieben getrewen heinrich Belkowen, Burger dofelbst czu franckenfurt, recht vnd redlich gekaufft vnd der das von vns uerlassen hat, vnd wir verleyhen den gnanten Alexio Rakowen die helffte des obgnanten dorffs vratt etc. — Czu Berlin, am mittwochen neht vor vnser lieben frawen tag lichtmessen Anno domini etc. vicefimo octauo.

R. Dominus per se.

Nach dem Churm. Lehnscopialbuche 6.

CCXXXIV. Markgraf Johann verleiht an Paul Große, Bürger zu Frankfurt, das Dorf Czawl und vier Hufen zu Sachsendorf, am 9. April 1428.

Wir Johans, von gots gnaden Marggraff czu Brandenburg vnd Burggraff czu Nuremberg, Bekennen — das wir vnsern lieben getrewen pawel großzen, Burger czu franckenfurt, czu einen rechten manlehen gelihen haben das dorff czawel mit obersten vnd nidersten